

ՀԱՇՎԵՏՎՈՒԹՅՈՒՆ

Հայաստանի Հանրապետության Արմավիրի մարզի Նորապատ համայնքի ղեկավարի 2019թվականի ընթացքում աշխատանքների մասին:

Հաշվետու ժողովը տեղի է ունեցել 2020թվականի փետրվարի 4-ին 14:00-ին համայնքապետարանում:

Հաշվետվությանը ներկա էին ավագանու անդամներ համայնքապետարանի աշխատակազմը ,<<Նորապատի մանկապարտեզ>> ՀՈԱԿ-ի աշխատակիցներ, համայնքի բնակիչներ և Արմավիրի մարզպետարանի ներկայացուցիչ՝ Ա.Ղուկասյանը:

Զեկուցումով հանդես եկավ համայնքի ղեկավար՝ Վ.Խաչատրյանը, որն իր աշխատանքները կազմակերպում է իրեն սահմանված լիազորությունների շրջանակներում :

2019 թվականի ընթացքում հրավիրվել է ավագանու 10 նիստեր, որոնցում քննարկվել են համայնքին վերաբերվող մի շարք հարցեր և դրանց վերաբերյալ ընդունվել համապատասխան որոշումներ: Ընդունված որոշումների կատարման մասին իրազեկվել է համայնքի ազգաբնակչությանը: Անցած տարվա ընթացքում համայնքի ղեկավարին տարբեր հարցերով դիմել են շուրջ 30 քաղաքացիներ, որոնց պահանջներին տրվել են համապատասխան լուծումներ: 537 քաղաքացիների տրվել է տարբեր բնույթի տեղեկանքներ:

Գյուղատնտեսության բնագավառ

2019 թվականի ընթացքում առանձնակի ուշադրություն է դարձվել գյուղատնտեսական աշխատանքների կազմակերպման, քարձր բերքի ապահովման ուղղությամբ: 2019 թվականի ընթացքում Նորապատի համայնքապետարանը պատվիրել է ագրոքիմիական բաղադրության ճշտման և հողի նկատմամբ համապատասխան միջոցառումներ իրականացնելու նպատակով նոր քարտեզ և իրագեկել համայնքի հողօգտագործողներին:

Գարնանը ժամանակին կազմակերպվել է ջրատարների վերանորոգումը և շուրջ 6կմ դաշտամիջյան ճանապարհների փոսալցման և հարթեցման աշխատանքները: Համայնքում ոռոգման համակարգի արդիականացման ծրագրերի շրջանակում կառուցվելու է շուրջ 1200մ երկարությամբ նոր կիսախողովակներով ոռոգման համակարգ:

Կենցաղ սպասարկման բնագավառ

Բնակչության կենցաղային հարցերը եղել և մնում են համայնքի ղեկավարի ամենօրյա ուշադրության կենտրոնում: Համայնքի տարածքում կատարվում է անվճար աղբահանություն ,որի համար 2019թվականի ընթացքում ծախսվել է 1346,4 հազար դրամ գումար: Աշխատանքներ են տարվում համայնքի նորաստեղծ թաղամասերում ավարտին հասցնելու էլ.էներգիայի մատակարարումը և նոր թաղամասի գազաֆիկացման ուղղությամբ : Ձեռնարկված միջոցառումների շնորհիվ ջրի մատակարարումը համայնքում դարձել է 24 ժամյա:

2019թվականի ընթացքում հարթեցվել և ասֆալտապատվել է շուրջ 15կմ ներհամայնքային փողոցները: Լուսավորվել է ամբողջ համայնքը 300 նոր լեդ սերնդի լուսատուներով:

Մշակույթ և սպորտի բնագավառ

Համայնքապետարանը մշակույթի տան և դպրոցի հետ համատեղ կազմակերպում է մի շարք միջոցառումներ՝ տրամադրելով նաև որոշակի դրամական օգնություն: Համայնքապետարանը իր մշտական աջակցությունն է ցուցաբերում մանկապարտեզում, դպրոցում կազմակերպվեպվող միջոցառումներին:

Մանկապարտեզի 28 երեխաներ համար գնվել է դպրոցական պայուսակներ և գրենական պարագաներ:

Համայնքի ղեկավարի և բարերարներ՝ Դինա և Լիա Ղարիբեանների ջանքերով Նորապատի մանկապարտեզի բակում տեղադրվել է մանկական խաղահրապարակ :

Դպրոցի և մանկապարտեզի երեխաներին ամանորի նախաշեմին նվիրվել է ամանորյա տոպրակներ:

Համայնքի ղեկավարի պատրաստակամության և ջանքերի շնորհիվ <<Նորապատի մանկապարտեզ>> ՀՈԱԿ-ում բացվել է նոր խումբ :

Սոցիալական բնագավառ

Համայնքապետարանը իր ամենօրյա ուշադրության կենտրոնում է պահում սոցիալապես անապահով ընտանիքներին օգնություն ցուցաբերելու, նրանց դիմումներին ընթացք տալու գործընթացը :

2019թվականի ընթացքում երկու ազատամարտիկների տրամադրվել

են հանգստյան ուղեգրեր : Սպորտային ձեռքբերումների համար դրամական օգնություն է տրամադրվել մեկ մարզիկի:

Պաշտպանության կազմակերպման բնագավառ

Ընթացիք տարում պաշտպանության կազմակերպման բնագավառում իրականացվել են մի շաք միջոցառումներ: Սահմանված կարգով համայնքապետարանը համագործակցել է տարածքային զինկոմիսարիատի հետ, նպաստել զորակոչին:

Համայնքի զինապարտների գրանցամատյանում կատարվել է լրացումներ; Համայնքապետարանը աջակցել է համայնքի երիտասարդությանը ռազմահայրենասիրական դաստիարակության ուղղությամբ: 2019թվականի ընթացում համայնքից ՀՀ բանակ են զորակոչվելու հինգ երիտասարդներ:

Համայնքային բյուջեյի իրագործում

Բյուջեյի կատարման գործընթացը մշտապես եղել է համայնքի ղեկավարի առաջնահերթ ուշադրության կենտրոնում:


2019թվականի ընթացքում հավաքագրվել է հողի հարկ ` 5064,1 հազար դրամ, գույքահարկ ` 11528,8 հազար դրամ:

Աշխատակիցները սահմանված կարգով օգտվում են իրենց սահմանված արձակուրդներից:

Համայնքի հիմնախնդրիները

1. Ոռոգման ջրի ինքնահոս մատակարարում
2. Մշակույթի տան շենքի նորոգում
3. Զբոսայգու բարեկարգում
4. Նոր թաղամասում գազաֆիկացման և ջրամատակարարման անցկացում համակարգի անցկացում:
5. Նորապատ համայնքը H17 հանրապետական նշանակության ճանապարհին միացնող հատվածի հիմնանորոգումը:

Նորապատ համայնքի ազգաբնակչությունը համայնքապետ՝ Վ. Խաչատրյանի գլխավորությամբ իրենց խորին շնորհակալությունն են հայտնում մարզպետ պարոն՝ Հ. Մաթևոսյանին համայնքի կողմից բարձրացված խնդիրներին լուծում տալու համար և լի են վճռականությամբ համայնքի առջև ծառայած խնդիրները կյանքի կոչելու ուղղությամբ:

Նորապատ համայնքի ղեկավար՝  Վ. Խաչատրյան

